



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Decretum de hospitijis.

urn:nbn:de:hbz:466:1-10502

diocesanæ xj. præsentés adesse debent; qui certo Ecclesiæ nomine vniuersè vocati, ordine bini, & collegiatim, ad Illustrissimum Archiepiscopum rectè accedant, cui reuerentiâ exhibeant; deinde singuli nominatim vocati, capite aperto, & stantes, modesta, altaque voce respondeant. Adsum.

Inde verò ad Præfectos recognitionis certis Capellis dispositos recta via accedant, quibus Breuiaria, & Calendaria ex præscripto exhibeant, & ad præscriptum scrutini de interrogatis respondeant.

Qui ad eos non accesserint, perinde plectantur, vt qui ad Synodum nulla iusta causa impediti non venerint.

Interrogati autem, si quid indecorè vel responderint, vel egerint, singuli à Præfectis scrutini notentur, vt Canonice subiaceant disciplinæ.

Decretum de Cathedralico.

Parochi autem cum è scrutinio redibunt, rectè, & ordine accedant ad Reuerend. N. Oeconomum nostræ mensæ Archiepiscopalis, cui soluant cathedralicum iure debitum.

De vocatione.

Vocati autem sunt hac præfatione, pro Ecclesiæ dignitatis ratione: ac primum ex capitulo Metropolitanæ, ita. Multum Reueren. D. N. Archipresbyter. Multum Reueren. D. N. Archidiaconus, & sic singulæ dignitates.

Reueren. D. N. Canonicus ordinarius. Præpositi collegiarum vrbis, & diocesis sic.

Reueren. Presbyter N. Præpositus N. Canonici collegiarum vrbis, & diocesis.

Reueren. N. Canonicus Sancti N. Parochi vrbis, & diocesis ita.

Venerabilis presbyter N. parochus S. N. Capellani sic.

Presbyter N. Capellanus S. N. Clerici beneficiati.

N. Clericus S. N. Alij verò clerici suo quisque nomine appellati sunt pro ordinis suscepti ratione sic.

N. Diaconus N. Subdiaconus N. Acolitus N. Exorcista N. Lector N. Ollarius, si ij vocandi sunt.

Cum autem hora esset tarda in sequentem sessionem iussu Illustrissimi Archiepiscopi vocatio Cleri diocesanæ reiecta est, hoc decreto promulgato.

Decretum de differen. scrutinio in alium diem.

Cras ordine, & diligentius Clerus diocesanus vocabitur: accuratius item scrutinium synodale de eo fiet, ad præscriptum Tabellæ, & decreti hodie mane in sessione promulgati.

Postremò actum est de hospicio Clericorum, atque indicta sequens sessio.

Decretum de hospicio.

Omnibus & singulis sacerdotib. clericisq; diocesanis, diuersorium hospitiumq; honestum, & decretis provincialibus, & diocesanis, editisq; provincialibus iussum non habentibus, edicimus, vt diuersentur & hospitentur in ædibus Canonice extra portam nouam, quod hospitium præter statum diuersorium eis constitutum est.

Decretum de hospitiiis.

Vicarii, qui non exhibuerunt nomina hospitiorum cleri Vicariatus sui præfectis hospitii, hodie exhibeant.

Lectum quoque fuit decretum de solenni Defunctorum commemoratione die sequenti agenda: cuius decreti formula habetur supra dioces. Synod. viij. pag. 78. decret. 4.

Interea verò antequam hæc sessio dimitteretur, Archidiaconus iussu Illustrissimi Archiepiscopi de more indixit orationem mentalem certis capitibus partitam, pro Cleri disciplina excitanda, & diuino auxilio implorando.

Eiusmodi orationis capita habentur supra Synod. dioces. viij.

Oratione mentali absoluta Illustriss. Archiepiscopus surgens certas preces recitauit, ac Synodo benedixit sine consensione indulgentiæ.

Tum D. D. Promotores institerunt contra contumaces absentes, & pro rogatu actorum, vt supra, & absoluta est da more prima sessio.

Sessio Secunda.

IN nomine Domini: Anno, & mense *supra* scripto, die verò xiiij. feria quinta, celebrata est sessio secunda mane. Ista hora indicta Illustriss. D. Archiepiscopus ad basilicam Metropolitanam venit, à Reuerendo Capitulo associatus, vt in proxima præcedenti sessione dictum est: Missarum solennia ipse celebravit sine eantu, adhibitis tamen assistentibus ministris. Missa celebrata, in sede Archiepiscopali cõsistens, pluuiiale & Mitram pretiosam induit: similiter Capitulum: mox in locum sessionalem descendit: quo in loco ex libro Pontificali recitatae preces, & litanie ritu Ambrosiano recitatae, Euangelium que per Archidiaconum enunciatum. deinde Illustrissimus Archiepiscopus suggestum ascendit, & concionem habuit. postea Hym. Veni creator, & alia ad præscriptum.

Omnibus in sessione confidentibus, indicto & facto silentio, Illustriss. Archiepisc. decreta aliquot Tridentina de residentia, ac quaedam Pontificia constitutiones, ad præscriptum pariter decretorum eiusdem Tridentini Concilij, & prouincialium, de suggestu legi mandauit, præmissa ea præfatione, quæ supra habetur in syn. diœc. vij. decr. 5. pag. 78.

Tum lectæ sunt binæ constitutiones Pontificiæ Pii Secundi de Clericis male promotis, & Pij Quinti, de confidentiis, ea item verborum præfatione sigillatim præmissa, quæ habetur supra eadem Synodo decr. 6. & 7.

Instantia promotorum pro eligendis examinadoribus, & Iudicibus.

Illustriss. ac Reuerendiss. in Christo Pater, & Domine.

Concilium Tridentinum, Bonifacij Octaui constitutioni in hærens, sanctiuit, vt in conciliis diœcesanis aliquot personæ dignitate præditæ, aut personatus obtinentes, seu ecclesiarum cathe-

dralium Canonici, designentur, deligantur, quibus præter locorum ordinarios, causæ ecclesiasticæ, ac spirituales, & ad forum ecclesiasticum pertinentes, auctoritate literarum Sedis Apostolicæ vel legatorum eiusdem committantur; & quæ non alibi quàm in ciuitate, vbi possit commodè copia peritorum haberi, audiantur. Decreuit insuper alia constitutione, examinadores singulis annis in diœcesana Synodo ab Episcopo, vel eius Vicario ad minus sex proponi debere, qui Synodo satisfaciant, & in ea probentur, vt in parochialium ecclesiarum vacatione, tres ex illis ab Episcopo deligendi, cum eo examen perficiant. Quamobrem nos N. & N. huius xj. Synodi diœcesanæ promotores humiliter petimus, & instamus, personas, quæ qualitates habeant iuxta constitutiones prædictas, & alioquin ad id aptas, ab Illustriss. Amplitudin. T. designari: ita vt in hac Synodo legitimè congregata, pro huius diœcesis amplitudine, sexdecim examinadores, & Iudices sex saltem probentur, deligantur, qui huiusmodi manus examinandi, iudicandiue, ex præscripto decretorum Concilij Tridentini, ac prouincialium præstent omnino. Tum Illustrissimus Dominus Archiepiscopus proposuit, ac nominauit examinadores, & Iudices, decretis ea de re ex suggestu pronuntiatis. Quæ decreta habentur supra Synodo diœcesana vj. decr. 6. & 7. pag. 75.

Deinde lectum est decretum de eligendis, & nominandis iisdem examinadoribus, & Iudicibus, vt infra.

DE ijs, qui vobis propositi sunt, & nominati, tam examinadores, quàm Iudices, à prandio suffragia feretis vos, quibus compromissum factum est. Interea videte quos ex nominatis, sine vilo affectu probetis, & designetis.

His oibus ita peractis, indicta est de suggestu cõtinuatio sessionis pomeridianæ.

Indicta sessione, promotores vt supra in prima sessione primò contumaciam absentium accusarunt, & de more pro rogatu omnium & singulorum in præsentia sessione actorum institerunt.